



ORDENANTZA 2. ZK

AGURAINGO UDALA ARABAKO LURRALDEA

JARDUERA EKONOMIKOEN GAINEKO ZERGA ARAUTZEN
DUEN ZERGA ORDENANTZA

I. XEDAPEN OROKORRAK

1. artikulua

Arabako Lurralde Historikoko Toki Ogasunak arautzen dituen Foru Arauan eta zerga honi buruzko foru arauan ezarritakoari jarraituz, Jarduera Ekonomikoen gaineko Zerga eskatuko du udalak ordenantza honen arabera. Ezarri beharreko tarifak eta ordaintzeko epea jasotzen dituen eranskina ere ordenantzaren zati da.

2. artikulua

Ordenantza udalerrri osoan ezarriko da.

II. ZERGA GAIA

3. artikulua

Udalerrrian enpresa, lanbide edo arte jardueretan aritzeak osatuko du zerga gaia, jarduera horiek lokal zehatz batean egin edo ez egin, eta zergaren tarifetan zehaztuta egon edo ez egon.

Zerga honen ondorioetarako, honakoak izango dira enpresa jarduera: abeltzaintza (izaera independentea duenean), meatze, industria, merkataritza eta zerbitzu-jarduerak. Horien artean ez dira sartzen nekazaritza, beste jarduera baten mendeko abeltzaintza, basogintza eta arrantza; beraz, horiei ez zaie zerga ezarri behar.

Aurreko lerroaldean ezarritakoaren ondorioetarako, segidako kasuotan sartuta dagoen abere-multzoa abeltzaintza independentetzat joko da:



- a) Abeltzainak nekazaritza edo baso-ustiapenerako erabiltzen ez dituen lurretan batez ere bazkatzen duten abereak.
- b) Landa finketatik kanpo ukuiluratutakoak.
- c) Transhumantzian dabilena.
- d) Gehien bat hazten ari den finkakoak ez diren pentsuez elikatzen den aberea.

4. artikulua

- 1.- Jarduera batek enpresa, lanbide edo arte izaera izango du produkzio bitartekoak eta giza baliabideak (edo bietakoren bat) bere kabuz antolatzen dituenean, ondasunen edo zerbitzuen produkzioan edo banaketan parte hartzeko asmoz.
- 2.- Zergapetutako jardueren edukia zergaren tarifetan zehaztuko da.

5. artikulua

Zergapetutako jarduerak egiten direla frogatzeko zuzenbidean onargarria den edozein bitarteko erabiliko da, eta, bereziki, Merkataritza Kodearen 3. artikuluan jasotakoak.

6. artikulua

Ez da zerga gaia izango honako jarduera hauek egitea:

- 1.- Nekazaritzakoak, mendeko abeltzaintzakoak, basogintzakoak eta arrantzakoak.
- 2.- Enpresen aktibo finkoan sartzen diren ondasunak besterentzea, ondasun horiek ibilgetu izaeraz gutxienez aldatu baino bi urte lehenagotik agertu badira inbentarioan, eta saltzailearen erabilera partikular eta pribatuko ondasunak saltzea, ondasun horiek denbora epe berean erabili izan baditu.
- 3.- Lan pertsonalen edo zerbitzu profesionalen ordainez jasotzen diren produktuen salmenta.
- 4.- Esklusiboki establezimenduaren dekorazio eta apainketarako gaien erakusketa. Bezeroei opariak egiteko gaien erakusketa, ordea, zergari lotuko zaio.
- 5.-Txikizkako salmentan, egintza bakarra burutzea eta eragiketa bakana izatea.

III. SALBUESPENAK



7. artikulua

1.- Honakoak salbuetsiko dira zergatik:

- a) Estatua, Euskal Autonomia Erkidegoa, Arabako Foru Aldundia eta udal erakundeak, eta estatuaren organismo autonomoak eta lurralde administrazio horietako antzeko izaerako zuzenbide publikoko erakundeak.
- b) Zerga honen lehenengo bi zergaldietan jarduera bati ekiten dioten subjektu pasiboak. Honen ondorioetarako, ondoko kasuetan jarduera ez dela hasi pentsatuko da:
 - 1) Jarduera lehen beste titulartasun batekin egin bada; halakotzat hartuko dira bategiteak, zatikatzeak eta jarduera arloak eranstea.
 - 2) Subjektu pasiboa Merkataritzako Kodeko 42. artikuluekin bat etorriz eratutako sozietate talde bateko kidea bada; salbuespena: jarduera berria izatea, aurretik taldeko ezein enpresak egin ez duena.
 - 3) Erakundearen % 25 baino gehiago jarduera berean aritu diren enpresen esku badago.

c) Eragiketetan 2.000.000 euro baino gutxiagoko bolumena duten subjektu pasiboek.

Ez-egoiliarren Errentaren gaineko Zergaren zergadunei dagokienez, establezimendu iraunkor bidez aritzen direnentzat baino ez da izango salbuespena, baldin eta eragiketetan 2.000.000 euro baino gutxiagoko bolumena badute.

Edonola ere, salbuespen hori aplikatzeko, ezinbestekoa izando da subjektu pasiboek ez izatea % 25 baino gehiagoko partaidetzarik (zuzenean zein zeharka) letra honetan jasotzen den eragiketen bolumenaren baldintza betetzen ez duten enpresetan. Salbuespen izando dira uztailaren 5eko 24/1996 Foru Arauaren (Sozietateen gaineko Zergarena) 59. eta 60. artikuluetan, hurrenez hurren, zehazten diren arrisku kapitaleko sozietate edo funtsak, edo enpresak sustatzeko sozietateak, baldin eta partaidetza sozietateen xedea betetzearen ondorioa bada.

Letra honetan ezarritako salbuespena aplikatzeko arau hauek hartu behar dira kontuan:



1. Sozietateen gaineko Zergaren uztailaren 5eko 24/1996 Foru Arauaren 2. artikuluko 7. idatz zatian zehaztutakoari jarraituz zehaztuko da eragiketen bolumena.
2. Pertsona Fisikoen Errentaren gaineko edo Sozietateen gaineko Zergen subjektu pasiboentzat edo Ez-egoiliarren Errentaren gaineko Zergaren zergadunentzat, eragiketen bolumena izango da zerga horiengatik aitorpenak aurkezteko epea zerga sortu aurreko urtean amaitu den zergaldikoa. Zergen Foru Arau Orokorraren 35. artikuluko 3. idatz zatian aipatutako sozietate zibilen eta erakundeen eragiketen bolumena zerga honen sortzapenaren aurreko urtearen azken aurreko urteari dagokiona izango da. Zergaldi hori urtebete baino laburragoa izan bada, eragiketen bolumena urtekoratu egingo da.
3. Subjektu pasiboaren eragiketen bolumena kalkulatzeko, hark egindako jarduera ekonomiko guztiak hartuko dira kontuan.

Merkataritza Kodearen 42. artikuluari jarraikiz, erakundea sozietate taldearen zati bada, lehen adierazitako kopuruak talde horri dagozkion erakunde multzoarenak izango dira.

Irizpide hori aplikatuko da, era berean, pertsona fisiko bat, bere kabuz edota beste pertsona físico batzuekin batera, beste erakunde batzuekin harremanetan dagoenean (zuzeneko nahiz zeharkako ahaidetasunez, odol-ahaidetasunez edo kideetasunez, bigarren mailara arte), Merkataritza Kodearen 42. artikuluan zehazten diren kasuetakoren batean. Aurreko lerroaldean xedatutakoaren ondorioetarako, Merkataritzako Kodearen 42. artikuluko kasuak abenduaren 20ko 1815/1991 Errege Dekretuak onetsitako urteko kontu bateratuak formulatzeko arauetako lehenengo kapituluko 1. atalean ezarritakoak direla ulertuko da.

4. Ez-egoiliarren gaineko Zergaren zergadunen kasuan, Espainian diren establezimendu iraunkorren multzoari egotz dakioken eragiketa bolumena hartuko da kontuan.

d) Gizarte Segurantza, mutualitateak eta montepioak kudeatzen dituzten erakundeak, indarrean dagoen legediarekin bat etorritakoak.



e) Ikerketa erakunde publikoak; irakaskuntzarako zentroak (maila guztietan), estatuaren, autonomia erkidegoen, Arabako Foru Aldundiaren eta toki erakundeen funtsez ordaintzen badira osorik, edo ongintzazkotzat edo erabilera publikokotzat jotzen badira; era berean, irabazteko xederik ez duten irakaskuntzarako zentroak (maila jartzea, errekurtsioak eta erreklamazioak ebatzea, zerga kobratzea, salbuespenak eta hobariak ezartzea, eta, azkenik, zerga honekin lotutakoetan zergadunari laguntza eta informazioa ematea.

f) Ezindu fisiko, psikiko eta sensorialen elkarte eta fundazioek, irabazteko asmorik gabeek, ezinduak irakatsi, hezi, birgaitu eta zaintzeko burutzen dituzten pedagogia, zientzia, asistentzia eta enplegu jarduerak direla eta, nahiz eta horretara egokitutako tailerretako produktuak saldu, baldin eta salmenta horren zenbatekoa (partikularrentzako edo hirugarren pertsonentzako erabilgarritasunik gabea) eskusiboki lehengaiak eskuratzeko edo establezimendua mantentzeko bideratzen bada.

g) Gurutze Gorriaren eta arautegian zehaztuko diren antzeko erakundeen ondasunak.

h) Salbuespena aplika dakiekeen subjektu pasiboek, nazioarteko itunei edo hitzarmenei jarraikiz.

2. Aurreko paragrafoaren a), e), g) eta h) idatz zatietan zehaztutako subjektu pasiboek ez dute Zergaren matrikulako alta aitortpena aurkezteko beharrik.

3. Ogasun, Finantza eta Aurrekontu Saileko diputatuak zehaztuko du 1. paragrafoaren c) idatz zatiko zehaztutako salbuespena aplikatzen den zein kasutan eskatuko den Arabako Foru Aldundiari zuzendutako komunikazio bat; komunikazio horretan, letra horretan salbuespena aplikatzeko eskatzen diren baldintzak betetzen direla ziurtatu beharko da.

Ondorio horietarako, Ogasun, Finantza eta Aurrekontu Saileko foru diputatuak ezarriko ditu komunikazio horren edukia, epea eta aurkezpen modua, baita bide telematikoz aurkeztu beharko diren kasuak ere.

Artikulu honen 1. paragrafoaren c) idatz zatian zehaztutako salbuespenari eragin diezaioketen aldakuntzez ari garela, zerga ordenantza honetako 11. artikulua 2. paragrafoaren hirugarren leerroaldean zehaztutakoa jarraituko da.



4. Artikulu honen 1. paragrafoaren f) eta g) idatz zatietan xedatutako salbuespenek erregu izaera izango dute eta, hala dagokionean, alde batek eskatuta emango dira.

IV. SUBJEKTU PASIBOA

8. artikulua

Zerga honen subjektu pasiboak dira bai pertsona fisikoak eta juridikoak, bai Arabako Zergei buruzko Foru Arau Orokorraren 35. artikuluko 3. idatz zatiak aipatzen dituen erakundeak, udalerrian zerga gaia eratzten duten jardueretako edozein egiten badute.

9. artikulua

Zerga kuota indarrean dauden zergaren tarifak (uztailaren 23ko 573/1991 Araugintzako Foru Dekretuak onartuak) aplikatuta lortzen dena izango da, betiere ondokoak kontuan hartuta: udalak adostutako eta ordenantza honen eranskinean araututako koefizienteak, indizea eta hobariak.

V. ZERGALDIA ETA SORTZAPENA

10. artikulua

1.- Zergaldia urte naturalarekin bat dator, alta aitortpenak direnean izan ezik; horrelakoetan, zergaldiaren jarduera hasi denetik urtea bukatu artekoa izango da. Horrek ez du eragotziko artikulu honen 3. paragrafoan xedatutakoa ezartzea.

2.- Zerga sortuko da zergaldiaren lehen egunean eta kuotak murriztezinak izango dira, salbu eta alta-aitortpenen kasuetan, jarduera hasten deneko eguna urtearekin bat ez datorrenean; horrelakoetan, jarduera hasten den egunetik abenduaren 31.

3.- Baja aitortpenen kasuetan, zergaldia urtarrilaren batetik baja aitortpena aurkezten den egunera artekoa izango da. Horrelakoetan, zerga zergaldiaren lehen egunean sortuko da eta kuota urtarrilaren batetik baja aitortpenaren egunera arte dauden hileen arabera proportzionalki kalkulatu da.

Aurreko lerroaldean aipatutako hilabeteen kopurua kalkulatzeko, baja aitortpena aurkezten den hila osoa balitz bezala zenbatuko da.



Paragrafo honetan xedatutakoa ez da aplikatuko jarduera hasten den egunetik baja aitorpena egiten den eguna arte, 12 hilabete igaro ez badira. Horrelakoetan, baja ematearen eguna jarduera hasiz geroztik baja aitorpena aurkezten den urteko abenduaren 31ra pasako da.

4.- Ikuskizunei dagokienez, kuotak saio bakanen arabera ezarritakoak direnean, sortzapena saio bakoitzeko sortuko da, eta egoki diren aitorpenak aurkeztu beharko dira arauk ezarritakoari jarraiki.

VI. KUDEAKETA

11. artikulua

1.- Errolda bidez kudeatuko da zerga. Aipatutako errolda urtero egingo da eta bertan jarduera ekonomikoak, subjektu pasiboak, zerga-zorrak, eta, hala badagokio, foru errenergua barnean hartuko dituzten erroldak sartuko dira. Errolda jendearen eskura egongo da.

2.- Subjektu pasiboek dagozkien alta-aitorpen guztiak aurkeztu behar dituzte, eta foru arau honetako 11.1 artikuluari jarraikiz, erroldan sartzeko beharrezko diren elementu guztiak adierazi beharko ditu, arauz ezartzen den epean. Jarraian, eskumena duen administrazioak dagokion likidazioa egingo du, eta subjektu pasiboari jakinaraziko zaio, eta horrek, dagokion sarrera egin beharko du. Halaber, subjektu pasiboek zergapetutako jarduerak gauzatzean sortuko diren eta zerga honen ondorioetarako garrantzia izango duten aldaketa fisikoak, ekonomikoak eta juridikoak jakinarazi beharko dituzte arau bidez ezarriko diren epe eta terminoetan.

Horiek horrela, jakinarazpen horietan nahitaez adierazi beharko da jarduerak gauzatzen diren higiezinaren katastroko erreferentzia. Zehazki, Foru Arau honen 7. artikulua 1. paragrafoaren c) idatz zatian zehaztutako salbuespena aplikatu ezin zaien zergadunek, eragiketa bolumena adierazi beharko diote Arabako Foru Aldundiari. Era berean, subjektu pasiboek eragiketa bolumenean izandako aldakuntzen berri eman beharko dute, baldin aldakuntza horrek berarekin badakar zerga ordenantza honen 7. artikulua 1. paragrafoaren c) idatz zatian zehaztutako salbuespena aplikatzearen edo ez aplikatzearen aldaketa, nahiz foru arau honetako eranskinean zehaztutako haztapan koefizientea aplikatzearen ondorioetarako kontuan izan beharreko zatiko aldaketa.

Ogasun, Finantza eta Aurrekontu Saileko diputatuak ezarriko ditu komunikazio horiek aurkeztu behar diren kasuak, haien edukia, epea eta aurkezteko modua, bai eta bide telematikoz noiz aurkeztu behar diren ere.

3.- Erroldetako datuak sartu, kendu edo aldatzea, zerga ikuskatze jarduketan edo alta emate eta komunikazioen formalizazioaren ondorio direnak, administrazio egintzatatz joko dira eta erroldaren aldaketa ekarriko dute. Matrikulan erroldetako datuekin lotuta



dagoen edozein aldaketa egiteko, aldez aurretik erroldako datuak aldatu beharko dira ezinbestez.

4.- Zerga hau autolikidazioaren bidez egiteko eskatu ahal izando da, arauen bidez ezarriko diren terminoetan.

12. artikulua

1.- Udal honek ditu kudeaketa, likidazio, ikuskatze eta bilketa ahalmenak, bai araututako epean, bai premiamendu bidean.

2.- Udalaren aginpidea izango da, halaber, errolda jendaurrean diru-bilketari ekin diezaion.

3.- Arabako Foru Aldundiak du errolda prestatzearen eta mantentzearen ardura, bai eta jarduera ekonomikoak sailkatzearena, kuotak zehaztearena eta ordainagiriak egitearena ere.

4.- Udalak Arabako Foru Aldundiari lagunduko dio aurrekoetan, hau da, errolda prestatzen eta mantentzen, eta jarduera ekonomikoak sailkatzen eta kuotak zehazten.

5.- Salbuespenak eta hobariak emateko edo ez emateko, gainera, aurretik foru aldundiak txosten teknikoa egin behar du, eta ondoren, emandako ebazpenaren berri ere eman beharko zaio.

13. artikulua

Jardueren kalifikazioen eta kuoten zehaztapenaren aurka aurkeztutako errekurtsio eta erreklamazioak Arabako Zergei buruzko Foru Arau Orokorren 152. artikulutik 246.era bitartekoetan xedatutakoari jarraiki eraenduko dira, eta Arabako Foru Aldundia izango da errekurtsioa ebazteko organo eskuduna. Erreklamazio horiek aurkezteak ez du egintzen betearazi beharra eragotziko.

14. artikulua

1.- Udal bakoitzari dagozkion erroldak foru aldundiak egingo ditu eta ondoren haiei bidaliko dizkie.

2.- Foru aldundiak landutako errolda jasotakoan, jendaurrean jarriko da hamabost egunez, zergadunek azter dezaten eta egoki deritzeten erreklamazioak egin ditzaten, halakorik nahi izanez gero.



15. artikulua

Jendaurrean jartzeko epea amaitutakoan eta erreklamazioak ebatzi ostean, Arabako Foru Aldundiari bidaliko zaio emaitzaren egiaztageria, hark onar dezan.

XEDAPEN IRAGANKORRA

Foru arau hau indarrean sartzean, uztailaren 23ko 573/1991 Araugintzako Foru Dekretuaz onartutako tarifen bigarren atalari egindako 1. ohar komunean lehen araututa zegoen jarduera hasteagatiko kuotako hobaria aplikatzen ari dira zenbait subjektu pasibo. Subjektu pasibo horiek, foru arau honetan xedatuari jarraituz zerga ordaintzetik salbuetsita ez badaude, hobari hori aplikatzen jarraituko dute, ohar komun horretan araututako baldintzetan, harik eta hobaria aplikatzeko dagokien aldia bukatzen zaien arte.

AZKEN XEDAPENA

Ordenantza hau eta beraren eranskina behin betiko onartu ziren eranskinean agertzen den egunean eta 2009ko urtarrilaren 1etik aurrera da indarrean eta hala jarraituko du aldatu edo indargabetu arte.

JARDUERA EKONOMIKOEN GAINEKO ZERGA ARAUTZEN DUEN ORDENANTZA

Eranskina

Lehenengo araua.

Zerga gaiaren barruan dauden jardueri indarrean diren zergaren tarifak aplikatuta (uztailaren 23ko Diputatuen Kontseiluaren 573/1991 Legegintzako Foru Dekretuak onartuak) ateratzen dena izango da zerga kuota (udalaren gutxieneko kuota).



Horretarako kontuan hartuko dira ordenantza honetan jasotakoak, Jarduera Ekonomikoen gaineko Zergari buruzko uztailaren 19ko 43/1989 Foru Araua, azken hori osatzen eta garatzen duten gainerako xedapenak eta zerga ordenantza honek araututako koefiziente, indize eta hobariak.

Bigarren araua.- Eragiketa bolumenaren arabera zehaztutako haztapan koefizientea

Jarduera Ekonomikoen gaineko Zergari buruzko uztailaren 19ko 43/1989 Foru Arauak 9.1 artikuluan xedatutakoa kontuan hartuta, Aguraingo Udalak ez du zergaren tarifetan adierazitako gutxieneko udal kuota handituko subjektu pasiboen eragiketa-bolumenaren araberrako haztapan koefizienteren bat aplikatuta.

Hirugarren araua.

Uztailaren 19ko 43/1989 Foru Arauak 9.2 artikuluan xedatutakoarekin bat etorritz, udalerrri honetan egindako jarduera guztiengatik Jarduera Ekonomikoen gaineko Zergako tarifako kuota txikienak handitu egingo dira 1,37 koefizientea aplikatuz.

Laugarren araua.

Indizeak. Jarduera Ekonomikoen gaineko Zergaren uztailaren 19ko 43/1989 Foru Arauak 10. artikuluan xedatutakoari jarraituz, Aguraingo Udalak ez du subjektu pasiboak jarduera ekonomikoa burutzen duen bide publikoaren zerga-kategoriaren araberrako indizerik ezartzen.

Bosgarren araua. Hobariak.

Uztailaren 19ko 43/1989 Foru Arauaren 11. artikuluan xedatutakoarekin bat etorritz, zergaren kuotan hobariak aplikatuko dira eta subjektu pasibo beraren alde batera aplikatu daitezke. Hona hobari horiek:

1. Kooperatiba babestuek, hala eskatzen badute, ondoren adierazikodiren ehunekoak izango dituzte hobari zergaren kuotan, Arabako Foru Aldundiak horren aldeko txostena egiten duen bakoitzean:
 - zerga kuotaren % 50, lehenengo urtean
 - zerga kuotaren % 75, bigarren urtean
 - zerga kuotaren % 95, hirugarren eta azken urtean
2. Udal kuotako zergak ordaintzen dituzten subjektu pasiboek % 10eko hobaria izango dute, baldin eta hobaria aplikatzekoa den zergaldiaren aurre-aurreko zergaldian kontratu mugagabeko langileen batez bestekoa % 10ean handitu badute, zergaldi haren aurrekoaren aldean.

Enplegua sortzeagatik hobari hori % 25ekoa izango da, aurreko lerroaldean aipatutako batez bestekoaren igoera % 20 edo handiagoa denean.

Seigarren araua.

Ordaintzeko aldia: ekitaldiko 2. seihilekoan.



Jarduera Ekonomikoen gaineko Zerga arautzen duen Zerga Ordenantza (eranskin hau horren zati da) 2008ko azaroaren 12an onartu zen behin betiko.

O.E.
ALKATEA

IDAZKARIA